

# ԱՐՑԱԽԻՆ ԱՆՀՆԱՐ Է ԸՆԿԾԵԼ

Արցախի հայ բնակչությունը վրդովմունքով ընդունեց Լեռնային Ղարաբաղի ինքնավար Մարզի իրադրության նորմալացման միջոցառումների մասին ԽՍՀՄ Գերագույն խորհրդի որոշումը: Վաղ առավոտվանից ստեփանակերտցիները խուճ-խուճ հավաքվել էին ֆաղափ տարբեր անկյուններում, բուռն կերպով ֆենարկում էին ընդունված որոշումը, որը ուղղակիորեն վերաբերում է երկրամասի տեղաբնիկների ապագային: Բոլորն էլ այն միահամուտ կարծիքին են, որ որոշումը ոչ միայն բացարձակապես չի համապատասխանում Արցախի ժողովրդի շահերին, այլև սպառնալիքի տակ է դնում նրա բուն գոյությունը:

— Ոչ մի զարաբաղցի չէր կարող սպասել այդքան միտումնավոր որոշում, — Արմենպրեսի թղթակցին ասաց ԼՂԻՄ-ի ագրոարդի նախագահ Լեռնարդ Պետրոսյանը: — Ինձ թվում է, որ այդ որոշումը այդպես էլ թղթի վրա կմնա, քանի որ մեր ժողովուրդը չի համաձայնի դրան: Կենտրոնական իշխանությունները փաստորեն կրկին բռնեցին Ղարաբաղի հարցի արդարացի լուծումը ձգձգելու ուղին, շահալով ուրիշ լույսով ներկայացնել ԼՂԻՄ-ի հայ բնակչության օրինական պահանջները: Եվ զարմանք, և տարակուսանք է առաջացնում այն փաստը, որ Ազրբեջանի կառավարությունը, որը մինչև հիմա կենտրոնական իշխանություններին համառորեն ապացուցում էր, թե Հայաստանի և մարզի շրջափակման մասին խոսք անգամ չի կարող լինել, հիմա պարտավորվում է վերացնել այդ շրջափակումը: Իսկ չէ որ Արցախը, կարելի է ասել, համարյա 70 տարի պաշարման մեջ է: Եվ, չավոք, կենտրոնը այդ առթիվ ոչ մի ֆաղափական զնահատական չի ասել: Ինձ՝ որպես մարզխորհրդի փոփոխության, հնարավոր չի թվում նաև կառավարման մարզային մարմինների վերականգնումը:

— Երեկվա որոշումը մեռելածին

է, — ասաց ԼՂԻՄ-ի պլանային տնտեսագիտական գլխավոր վարչության պետ, տնտեսական գիտությունների բեկնածու Սեդրակ Սեդրակյանը: — Հենց այն փաստը, որ այդ փաստաթուղթն ընդունեցին այն բանից հետո, երբ ի նշան բողոքի դահլիճից հեռացել էին Հայաստանի և ԼՂԻՄ-ի պառլամենտականները, ոչ այլ ինչ է, եթե ոչ ուղղակի վիրավորանք հայ ժողովրդի հասցեին: Կարծում եմ, որ Հայկական ԽՍՀ Գերագույն խորհուրդը, Լեռնային Ղարաբաղի Ազգային խորհուրդը պետք է որոշակի դիրք բռնեն այդ հարցի առթիվ և այն ներկայացնեն ամբողջ աշխարհին: Ես նաև շեմ հավատում մարզի ինքնակառավարման, ինքնաֆինանսավորման իրականացմանը, քանի որ այդ գեղեցիկ խոսքերը ամեն մի իմաստ կորցնում են առանց գլխավոր պայմանի՝ ազգի ինքնորոշման:

Այսօր, նոյեմբերի 29-ին մարզի աշխատավորական կոլեկտիվներում, ֆաղափներում ու շրջաններում տեղի ունեցան բողոքի միտինգներ: Հոստոսները գայրալից խոսքեր էին ասում Ղարաբաղի պրոբլեմի անարդար լուծման մասին: Նրանք ընդգծում էին, որ երկրի Գերագույն խորհրդի որոշումը բացահայտորեն արտահայտված կապիտուլյանտական բնույթ է կրում, իր բովանդակությամբ ուղղակի զուգահեռակալով Ազրբեջանի ժողովրդական ճակատի պահանջներին: Ավելի քան ծիծաղելի է Ազրբեջանական ԽՍՀ-ի՝ այն հանրապետության Գերագույն խորհրդին տրված հանձնարարականը, որի տարածում կազմակերպվեց «սումգայիթը», ապահովելու Լեռնային Ղարաբաղի հայ բնակչության ապահովության գործնական երաշխիքներ: Սակայն շեռած բոլոր կամայական որոշումներին, Արցախն արել է իր բնությունը և արել է մեկընդմիջա:

Ա. ԳՐԻԳՈՐՅԱՆ  
(Արմենպրեսի թղթ.)

Ստեփանակերտ